

Schule trotz Corona Scola malgrà corona Scuola malgrado il corona



Amt für Volksschule und Sport
Uffizi per la scola populara ed il sport
Ufficio per la scuola popolare e lo sport

Info 24, 9-12- 2021: Obligaziun da purtar mascrina entir chantun



A persunas d'instrucziun, direcziuns da scola, cussegls da scola

Las suandantas respostas sin dumondas frequentas suondan sin basa da la decisiun da la regenza grischuna dals 07-12-2021. Las respostas èn vegnidas verificadas da l'Uffizi da sanadad e servan als purtaders da scola per realisar las mesiras da protecziun. Ellas èn valaivlas, premess che ordinaziuns surordinadas na reglan betg insatge auter en cas che la situaziun sa mida. Respostas, ch'èn nudadas cun NOV, han stuì vegnir adattadas sin basa da la decisiun da la regenza en cumparegliaziun cun la versiun "scola malgrà corona 23".

Dumondas tar il manaschi da scola

Vala l'obligaziun da purtar mascrina per tut las scolas popularas en il chantun grischun?

NOV: Gea. L'obligaziun da purtar mascrina vala per tuttas persunas creschidas sco era per tuttas scolaras e tuts scolars en l'interiur da las scolas popularas publicas e privatas sin il stgalim primar a partir da la 3. classa e sin il stgalim secundar I inclusiv las scolas da las instituziuns da scolaziun speziala e lur spazis d'abitar. Sclaras e scolars da l'emprim ciclus (scolina fin e cun la 2. classa primara) n'èn betg pertutgads da l'obligaziun da purtar mascrina.

Con ditg cuzza l'obligaziun da purtar mascrina decretada da la regenza?

NOV: L'obligaziun da purtar mascrina vala per il mument enfin ils 23 da schaner 2022, 24.00 uras. Mez schaner vegn la situaziun validada da nov ed i vegn decidì davart ils proxims pass.

Vala l'obligaziun da purtar mascrina er per scolaras e scolars da l'emprima e secunda classa, sch'els vegnan instruids en ina partiziun da trais classas 1.-3. classa primara?

Sclaras e scolars en l'emprima e secunda classa primara na ston betg purtar mascrina. L'obligaziun da purtar mascrina vala a partir da la 3. classa primara. Ils purtaders da scola èn libers da definir mesiras da protecziun che van pli lunsch (p.ex. in obligaziun da purtar mascrina per l'emprima e secunda classa primara). Sco alternativa po er vegnir dà ina recumandaziun correspondent a als geniturs.

Tge vala per persunas che n'astgan cumprovadain betg purtar ina mascrina?

Sche la cumprova medicinala po vegnir demussada, ch'ina mascrina na dastga betg vegnir purtada ord motivs spezial (p.ex. blessuras en fatscha, grondas difficultads da respirar, temas da purtar ina mascra ed impediments che impedeschan da purtar mascrina), èn da prender autras mesiras adattadas per sa proteger d'ina infecziun (distanza da 1.5 m, vaider da protecziun).

Tar supposiziuns che attests per ina dispensa da mascrina na sajan betg fatgs tenor las reglas da la scienza medicinala resp. betg fatgs cun la necessaria obligaziun da diligenza, duai vegnir contactada la partiziun giuridica da COVID ((KFSinfo@amz.gr.ch).

Tge vala per las instituziuns da la scolaziun speziala?

Instituziuns da la scolaziun speziala pon fixar sur ils medis / las medias da las instituziuns excepziuns pertutgant l'obligaziun da purtar mascrina, en cunvegnientscha cun il medi chantunal / la media chantunala.

Tge munta l'obligaziun da purtar mascrina per il transport da scola?

NOV: Tar ils transports da scolaras e scolars da la scola/vischnanca (incl. bus spezial per viadis da scola) vala l'obligatori da purtar mascrina a partir da la 3. classa primara. L'obligatori da purtar mascrina relaschada da la confederaziun en il traffic public a partir da 12 onns vala vinavant.

Tge munta l'obligaziun da purtar mascrina per il rom moviment e sport?

NOV: Lecziuns da sport en localitads internas ston vegnir realisadas cun adattaziuns (1.5 m distanza ni obligaziun da purtar mascrina). En la gardaroba duain las scolars ed ils scolars sa stgamiar e far la duscha en gruppas - e purtar mascrina, tant enavant che quai è pussaivel.

Dastga l'instrucziun da nudar avair lieu?

Gea. L'instrucziun da nudar è pussibla. En princip è il privel d'infecziun en l'aua da valitar sco pitschen.

Sche ils bogns èn era accessibels durant quest temp per auters visitaders vala l'obligaziun da certificat per las personas d'instrucziun / personas accompagnantas. Per quai intent pon ils test da manaschi e da scola en princip valair sco certificats. La decisiun schai dentant tar il manader dal bogn. Il concept da protecziun dal bogn è da resguardar.

Tge munta l'obligaziun da purtar mascrina per il rom musica?

NOV: Lecziuns en il rom musica en localitads internas ston vegnir realisadas cun adattaziuns (1.5 m distanza ni obligaziun da purtar mascrina). Pervia da la tematica d'erosols èsi da far atenziun speziala e las localitads ston vegnir ventiladas bain e regularmain.

Tge munta l'obligaziun da purtar mascrina per il rom economia, lavur e tegnairechasa (ELT)?

En l'instrucziun dad ELT pon scolaras e scolars sco era personas d'instrucziun prender giu la mascrina, uschespert sco els sesan a maisa. Maximalmain quatter personas pon seser enturn mintga maisa.

Tge è da resguardar sch'ins planisescha occurrenzas internas dal personal da scola, p.ex. furmaziuns supplementaras internas, sesidas da lavur ni conferenzas?

NOV: Tar occurrenzas en localitads internas vala da principi l'obligaziun da purtar mascrina. Sche i sa tracta d'ina occurrenza interna da la scola sco ina sesida ni ina conferenza senza participants externs vala nagina obligaziun da certificat. Fan personas externas part da questas occurrenzas, vala l'obligaziun da certificat. Ils resultats dals tests da scola pon vegnir tractads egualmain al certificat per l'intent a l'intern da la scola. Tar questas occurrenzas na vala betg ina limita dal dumber maximal da personas.

Dastgan ins organiser occurrenzas da scola cun public extern?

NOV: Occurrenzas en **localitads internas** en il rom da **servetschs d'autoritads cun damain che 50 personas** (p.ex. seras da geniturs) pon vegnir realisadas senza obligaziun da certificat. La noziun servetschs d'ina autoritad è da vesair a moda stretga. Obligant valan per questas occurrenzas las suandantas prescripziuns cumulativamain:

- I vala ina obligaziun da purtar mascrina; plinavant vegn resguardada la distanza necessaria sche pussaivel.
- Las datas da contact ston vegnir registradas.
- Spaisas e bavrondas na vegnan betg consumadas.

Per personas en il public davent da 16 onns ensi vala in'obligaziun da certificat tar **occurrenzas culturalas da scola** sco festa da Nadal, teater da scola, exposiziuns etc. en localitads internas. Sut questas circumstanzas èn occurrenzas da scola publicas en localitads internas pussaivlas cun maximalmain 1000 personas senza obligaziun da seser. L'obligaziun da purtar mascrina a partir da la 3. Classa primara vala natiralmain era per occurrenzas da scola.

Occurrenzas **en il liber** pon vegnir organisadas cun fin 300 personas (incl. scolaras e scolars) senza obligaziun da certificat. . Datas da contact na ston betg vegnir registradas. Spaisas e bavrondas dastgan ins consumar. A partir da 300 personas vala era en il liber l'obligaziun da certificat. A partir da 1000 participants è en mintga setting (localitad interna / en il liber) necessari ina lubientscha dal chantun (occurrenza gronda).

Tge èsi da resguardar pertutgant las structuradas dal di?


NOV: I valan las mesiras da protecziun analog al manaschi da scola. Cun survegliar las structuradas dal di èsi d'observar, che las scolaras ed ils scolars a partir da la 3. classa primara prendan davent la mascrina pir cura ch'els/ellas sesan a maisa e ch'i vegn ventilà mintga 20 minutas.

Co duain las direcziuns da scola reagir, sche scolaras e scolars refusan da purtar mascrina?


Quellas scolaras e quels scolars èn d'excluder da l'instrucziun, nun che in attest dal medi è avant maun. I n'è betg da tolerar che la sanadad dad autras scolaras e scolars sco era da persunas d'instrucziun che sa tegnan vid las reglas valaivlas, è potenzialmain periclitada.

Ils responsabels per l'educaziun èn dumandads da sustegnair la scola enten realisar l'obligaziun da purtar mascrina (mira art. 68 da la lescha da scola dal chantun grischun). Responsabels per l'educaziun che tramettan lur uffant a scola senza mascra u che scumondan a lur uffant da purtar mascra, malgrà ch'els èn vegnids admonids, pon vegnir chastiads tenor art. 96 da la lescha da scola. La scola na porscha betg instrucziun sin distanza, sche l'obligaziun da scola na vegn betg ademplida.

Infurmaziuns tar dumondas das sanadad

1. Per dumondas generalas medicinalas u en cas da sintoms: medi da chasa u ospital regiunal
2. Ulteriuras infurmaziuns tar las prescripziuns pertutgant quarantina ed izolaziun 
3. Infoline tar dumondas medicinalas per persunas che entran en Svizra: +41 58 464 44 88 (mintga di da las 6 fin 23 uras)
4. Tar dumondas da sanadad en il context da scola sa drizzan geniturs e persunas d'instrucziun a la direcziun da lur scola. Quella prenda si contact cun l'uffizi da sanada / il substitut da la media chantunala.

Infurmaziuns tar dumondas dal manaschi da scola

1. Tar dumondas generalas è da resguardar vinavant las infurmaziuns e dals documents da l'uffizi da la scola populara ed il sport: scola malgrà corona 
2. Tar ulteriuras dumondas dal manaschi da scola sa drizzan ils/las mainascolas a l'inspecturat districtual. Dumondas da geniturs e persunas d'instrucziun vegnan renviadas dals / da las mainascolas a l'inspecturat districtual.
3. Dumondas specificas concernent la scola vegnan respundidas dals responsabels da la scola.
4. Tar dumondas organisatoricas en connex cun testar sa drizzan las / ils mainascolas directamain al manader dal project "testar preventiv": scolatests@amz.gr.ch u tel. 081 257 44 40.

Sin basa da la fitg gronda chargia da lavur supplitgain nus da ans contactar per mail, sche quai è pussaivel.

Glista da las regulaziuns actualas da Covid-19

Scola malgrà corona onn da scola 2019/20 e 2020/21: guarda sut archiv



Retschertga tenor chavazzins en successiun alfabetica	Da chattar en ...
Activitads: cun pliras classas	Scola malgrà corona 17
Activitads cun pliras chasas da scola	Scola malgrà corona 20
Purschidas da surveglianza tar instrucziun sin distanza	Scola malgrà corona 12
Moviment e sport	Scola malgrà corona 20 , 23
Sairas da geniturs	Schule trotz Corona 23
Dis da visita da geniturs	Schule trotz Corona 22
Discurs da geniturs	Schule trotz Corona 22
Excursiuns senza star sur notg	Schule trotz Corona 17
Instrucziun sin distanza	Schule trotz Corona 12
Champs cun star sur notg (viadis da scola, emnas cumpactas)	Schule trotz Corona 21 , 22
Dar aria	Schule trotz Corona 13
Obligaziun da purtar mascrina: Excepziuns	Schule trotz Corona 22 , 23
Obligaziun da purtar mascrina: Excepziuns	Schule trotz Corona 14
Obligaziun da purtar mascrina: Custs	Schule trotz Corona 14
Obligaziun da purtar mascrina: en regiuns fermamain u parzialmain ferm pertutgadas	Schule trotz Corona 23
Obligaziun da purtar mascrina: Transport da scola	Schule trotz Corona 21 , 23
Musica / chantar en il chor	Schule trotz Corona 22 , 23
Stretga da personal: Agid per direcziuns da scola	Schule trotz Corona 13 , 15
Obligaziun da quarantina: suenter return ord in territori da ristg	Schule trotz Corona 13
Fufragnadis	Schule trotz Corona 16
<u>Tests da scola</u>	Schule trotz Corona 23
Occurrenzas internas dal personal da scola	Schule trotz Corona 22 , 23
Occurrenzas cun public extern	Schule trotz Corona 22 , 23
Instrucziun da nudar	Schule trotz Corona 22 , 23
Servetsch psicologic: Scleriments e cussegliaziuns	Schule trotz Corona 18
Sesidas da team	Schule trotz Corona 22 , 23
Responsabladad per decisiuns pertutgant occurrenzas da scola	Schule trotz Corona 13 , 15 , 17 , 18 , 19
Roms d'elecziun: cun scolar/as da pliras chasas da scola	Schule trotz Corona 20